

鄆陵文獻志

鄆陵文獻  
志四十卷

同治元年二月開  
雕二年九月竣工

鄆陵文獻志序

余自壯歲遊京師廣交海內名賢如徽歙程司農之古博樸茂著述等身尚矣其他如道州何子貞銅仁楊鐵庵會稽宗滌樓金陵梅伯言皆天分卓絕於書無所不窺用能因言見道沈博淵雅粹然爲經世之言晚交魏默深進士王少鶴通參陳凝甫中翰其文尤經緯古今兼才學識而一之信乎我

國家正學昌明人文傑出余因以後先追隨或讀其著作聞其緒論仰止涵濡竊自幸之洎仕豫十餘年風塵累人此事幾廢矣庚申秋捧檄鄆陵謁賈運生方伯蒙諭

文獻志

序

一

以鄆陵有蘇菊邨明經績學篤行士也苟能隨事延訪可收得人之效余久耳菊邨名而未接其人下車後循例閱城適毫捻初張菊邨方督修東城礮臺役日蹙裳從版築爲伍衣敝食垢不遑恤徐察所爲則井井有條動合古法心更躋其人相與商修守之宜舉興廢之要以及一邑之風土人情菊邨皆盡言無隱嘗漏三下尙留之不令去嗣此設局辦團籌欸製器諸大端皆菊邨默爲贊成帀月之間城守團防次第修舉每聞警一呼登陴萬衆同心屹然爲汴南保障焉旋獲讀其手輯中州文徵自

國初以迄近今人非一家家非一藝凡有關於學術政教人倫風化者靡不兼收並蓄哀集無遺好古闡揚已見一斑邇來奔走職事未暇過從而眷屬寓斯邑每至必走訪兼叩所學知菊邨藏書極富摛羅尤勤時正纂修鄆陵文獻志吮毫據案晨夕披訂丹黃不離手逮同治壬戌書成今春郵寄全帙囑余一言以爲序夫文以記事獻以徵賢鄆陵自春秋時其地始著時異世殊因革遞嬗迨二千餘年矣其山川都邑之變更城郭村鎮之廢置田賦戶口之盛衰忠孝節義之輩出載邑志者固詳而歷久不修殘缺滋懼菊邨毅然以摛求採訪爲已

## 文獻志

### 序

一一

任得諸傳聞證以圖籍積久成編彙爲四十卷引例分門旣詳且瞻又虛懷善下不敢自居於志乘之列爰以鄆陵文獻名編非留心掌故考證遺佚將以信今傳後者烏足語此是書出他日爲家乘爲邑志等而上之備國史之參稽補列傳之散失皆於是乎在菊邨固有心人哉抑余聞其爲人恬淡寡欲事親以孝博學多聞僅登拔萃科年來閉門掃軌無寒暑著書自娛居常寡言偶論事輒中窾要蓋其沈酣於經史者深靜而涵養動而閱歷所學實有得於中而非僅從事於苟且塗澤爲也今之相國倭良峯侍郎吳竹如兩先生與君爲道義交

深相推重書函往復相與辨論學術精研義理當道屢  
以行誼

上聞將不次擢用君不樂仕進常以傳道自任古所稱飛  
鴻冥冥不求聞達者菊邨有焉余何幸於程何諸君子  
外獲交菊邨殆磁石引鍼苔契同岑各以類從者耶是  
爲序同治乙丑九月重陽前八日黔陽路璜拜撰

鄆陵文獻志序

咸豐十一年予撫中州聞中州之以正學倡導於世者時則有今相國倭良峯先生李文園都憲王子涵觀察三君子體明用達措正施行卓然表見於天下其出處進退一於義而不苟予固已心欽之矣其後又因桐城方存之得知鄆陵蘇菊邨明經觀其所著書十餘種淵雅精確其論學一本於程朱而不雜其論文一衷於義理而不頗而訪其生平淡泊明志奉節母至孝守已與人一歸於忠信仁恕良峯相國甚敬其爲人而與之交予與菊邨爲道光庚子同年生菊邨非公不至予以職

文獻志

序

一

羈亦不得往與菊邨相見以究其所學然心常嚮慕之菊邨近撰鄆陵文獻志四十卷將刊行因存之屬予爲序予讀其書於土地人物政典學校職官選舉經籍金石大事雜事有圖有表有志考證詳核體例懿雅洵足爲志乘之善則也夫古之君子達則必有所建立於上窮則必有所脩明於下是故生乎其世必於其一世之事博考而詳識之生乎其地必於其一地之事博考而詳識之不惟今人與居古人與稽已之學當如是也亦使官斯土者於其時之典章制度其地之風土人物皆有所考而得因地制宜因時立教之法焉昔孔子居魯

卽本其二百四十年之史而脩春秋編詩特附魯頌於三百篇之末刪書特取魯公之費誓以附於二帝三王訓誥之終其生乎魯而卽惓惓於魯之文獻如此豈有私於魯哉亦卽魯以風乎天下使爲士者皆知詳習其國之故也不然後世學者皆將安於固陋不知廣討國聞則必如杞之不能徵乎夏宋之不能徵乎殷數典忘先雖有良法美意流風善俗而文獻無徵後之人何所取法耶夫論學以孔子爲斗極菊邨生於鄆陵鄆陵爲明儒薛文清公寄籍之鄉菊邨興復文清書院刊其遺書以教其鄉之後進者十餘年又纂中州文徵於

文獻志

序

二

國朝二百餘年名臣碩儒高文典策俱摛羅選擇無遺今又爲此志是皆孔子所望於後世學者之事也予官於此因菊邨書得覩中土文獻之全豈不幸哉抑予有感焉夫正學之興廢繫世運之盛衰剝之必復者雖天道之自然然實賴剝之時有上九一陽碩果不食而後足爲來復之本乃者世運之剝極矣而諸君子之守正學者終始不渝今

朝政清明艮峯文園諸公旣得大用可以行其學於上菊邨雖不出而立說著書明其學於下以和之用行舍藏各定其分而皆於世道有所裨益其世運復盛之機乎

予不敏忝有風化之責因序於志首以驗之  
同治元年秋湖北巡撫前撫豫使者新繁嚴樹森謹撰

文獻志

序



鄆陵文獻志敘

郡國之志曷昉乎自後漢光武始詔南陽譔作風俗故沛三輔有耆舊節士之序魯廬江有名德先賢之讚郡國之書此焉權輿厥後陳留汝南述作並興說者以爲猶有古紂德禁衰之遺意然則郡國之志固鄉之賢士君子責歟鄆陵爲春秋巖邑漢魏以來魁閎耆碩羣萃州處而邑志則始於有明王志已無存孫劉諸志復燬於兵

國初經君長斯邑邀邑人修之洎乎道光志凡數修大都借手邑人居多近十餘年中州多故邑長吏困於簿書

文獻志

敘

一

役車不休卒卒未暇爲蘇君菊邨愍焉憂之考据遺文網羅散失勒爲一書用俟來茲甚盛心也余嘗謂史家著述以志爲最要亦以志爲最難賢有司欲周知地方沿革利病與其人情風俗下車之始靡不禮聘名士俾肩斯任而操筆削者非諛則誣一書出信者半疑者半羣口詆訾久而後定其學識不足以斷割其行誼不足以感孚有繇然也往余官翰林菊邨以拔萃來京師與之游其人溫懿而質實跬步中規矩旣承宣是邦聞鄆陵有古君子爲鄉人所矜式詢之則菊邨也郵寄斯志屬爲弁言余讀其書博而覈嚴而公凡所記載胥足信

今而傳後昔應蔡諸儒僅誌人物茲則土地政典罔不  
悉具期裨當世之用鄉有賢士君子固一鄉之幸抑亦  
官斯土者所甚賴也爰書之以告後之修斯志者  
同治四年乙丑嘉平高要蘇廷魁撰

文獻志

敘

二

鄆陵文獻志跋

右鄆陵文獻志四十卷予友鄆陵蘇君菊邨之所纂也憶予於道光乙未交菊邨於梁園菊邨長予五歲恂恂雅飭而予年方逾弱冠意氣甚盛喜與諸豪士遊菊邨數切戒予時時以道義著述相期許閒出中州名流暨鄆陵鄉先輩詩文集指示大意屬爲采輯曰我

朝治平二百餘年中州名臣碩儒輩出著作不可無徵少讀吾鄆邑乘竊有不詳不核之憾此皆後死者之責也吾不敢一日忘別後屢書敦予摛致陽夏耿亦夔諸先生集編入中州文徵予時糊口於外未暇也及予與郝

文獻志

跋

一

蓉塘賈柳塘王松泉王丹君諸友議分輯陳郡七邑遺集予輯陽夏叢書粗有端緒摘錄寄鄆而菊邨中州文徵已鏤板行世不及事矣予常以爲憾乃不數年間蓉塘以病死松泉以客死柳塘以勞死予與丹君患難流離迄無定居曩時七邑遺集之約或未及輯或輯而輒散或未散而不能卒業大都付諸荒烟蔓草閒矣獨與菊邨三十年來率數歲一遇遇卽示予鄆陵文獻志稿稿凡十數易每易輒進於古予嘆其考據之確辨證之明體例之雅旣詳且核又能成於世故變遷之會遲暮疾病之年似若有天幸焉亟愆慙付梓以壽諸世菊邨

意故遲遲若有待者壬戌二月始開雕於鄆癸亥五月甫成二十九卷而菊邨咯血之疾作時予避地梁園五年矣菊邨因以屬予予爲督工校讐凡四閱月而工竣菊邨病亦漸差竊幸是書之得傳而予與菊邨之交亦庶幾有始終者因綴數語於後云同治二年癸亥秋九月陽夏李濬跋於大梁旅次

鄆陵文獻志凡例

一志名文獻所以存吾邑之掌故也余自弱冠以後流覽古今載籍窮摭金石遺文凡有關鄆事者莫不彙輯參互攷訂期於無訛無漏三十餘年始成此編以爲他日纂修邑志之助非欲博著書之名也

一是書爲圖者一曰輿圖凡一卷爲表者二曰職官曰選舉凡二卷爲志者十有三曰土地凡七卷曰建置曰政典曰學校曰壇廟曰宦蹟凡五卷曰經籍凡六卷曰大事曰祥異凡二卷曰人物凡十二

文獻志

凡例

一

卷曰金石凡一卷曰文詞凡三卷曰雜事凡一卷凡爲目十有六爲卷四十

一是書標目或仿列朝正史或仿諸名家地志核實定名惟求其當故沿革鄉鎮河渠岡阜遺蹟冢墓風俗他志或別爲目者今悉編次於土地志中餘類倣此庶幾綱舉目張閱者一目了然

一志貴有徵昔衛正叔作禮記集說曰他人著書惟恐不出於己予此編惟恐不出於人又朱竹垞輯日下舊聞所引羣書皆分註於下今仿其意而變通之凡所引書其名卽冠於本條之首其有參以

已意者則以蒙按二字別之或彙萃衆書纂輯成文者或舊志所未載者則以新纂二字別之而書名及採訪姓氏仍註於本文之下所以見言之有本也

一志以傳信失於傳會非誣則鑿是書繁徵博引不敢一字稍涉牽附凡經前人辨析明當者俱爲纂入其餘則無論大小莫不隨事辨明改正

一邑志向有輿圖形勝道里瞭若指掌今悉倣其舊而畧有增減存舊規因時變也

文獻志

凡例

二

時代敘次用高似孫剡錄例也職官著述但取有關鄢陵掌故者始行類入餘概從畧而凡前人爲鄢陵人所作之書亦附錄於末焉

一邑志祠祀類附寺觀數十處崇飾佛老於義無取茲編概從刪削

一邑志創始於邑令孫公讚其書今已無存其後邑人尙書劉公詡邑令孫公丕承經公起鵬施公誠吳公堂何公鄂聯屢事修輯詳畧不等茲編於其無關體要者刪之而言有可取悉行採錄卽於本條之首著曰劉志曰孫志曰經志曰施志曰吳志

曰道光志不敢掠前人之言以爲已有也

一舊志於邑之先達旣載其事跡於人物類復載其行狀墓誌家傳於藝文類詞近繁複殊失史裁茲編於先達諸公志狀擇其事可徵信者載於本傳而浮文諛詞則從刪汰以示省文之義

一邑之先達孝友諸公其事實見於正史別史以及各家文集者旣已立傳而其遺文瑣事於本傳相首尾者卽採其文入於註中其事與本傳不相涉者則次於雜事志中義固各有當也

一庾楷爲亮之孫晉書有傳庾炳之爲冰之曾孫宋書有傳然其人皆無善行可紀故茲編概不登錄非意爲進退也

文獻志

凡例

三

一宋祝穆方輿勝覽取詩賦記序分隸於名勝古蹟之下茲編遵用其例擇前人詩文之可存者散見於各類中其他爲宦蹟人物作者別爲文詞志

一文詞志所載詩文俱註明見某書若連引二三條則曰俱見某書或第一條註明以下則曰同上

一志中間有重複者以事或關涉數處非彼此俱見則不相貫串此古人互文例也然詳畧自不相同

一志曰雜事經史子集外卽稗官家言足助考核者

咸可類次然志在激勸非徒資談柄也故稍涉游  
戲幽異者不敢濫入

一是書雖多因舊而增者更者刪者不啻倍蓰祛浮  
覆實訂譌補闕矢公矢慎差費苦衷然一人之見  
聞有限實不敢謂盡備盡當尤望當世博雅君子  
隨時補正匡予不逮則吾邑文獻庶乎其足徵矣

蘇源生識

文獻志

凡例

四



鄢陵文獻志目錄

卷一

輿圖

卷二

職官表

卷三

選舉表

卷四

土地志一  
沿革

卷五

文獻志

目錄

一

土地志二  
鄉鎮

卷六

土地志三  
河渠 岡阜

卷七

土地志四  
遺蹟

卷八

土地志五  
冢墓

卷九

土地志六  
風俗

卷十

土地志七 物產

卷十一

建置志

卷十二

政典志

卷十三

學校志

卷十四

壇廟志

卷十五

文獻志

目錄

一一

宦蹟志

卷十六

經籍志一 邑人著述

卷十七

經籍志二 邑人著述

卷十八

經籍志三 邑人著述

卷十九

經籍志四 邑人著述

卷二十

經籍志五 邑人著述

卷二十一

經籍志六 職官著述 流寓著述 附錄

卷二十二

大事志

卷二十三

祥異志

卷二十四

人物志一 先達

卷二十五

文獻志

目錄

三

人物志二 先達

卷二十六

人物志三 孝友

卷二十七

人物志四 忠節 儒林

卷二十八

人物志五 文苑 列士

卷二十九

人物志六 武功 隱逸 藝術

卷三十

人物志七 義行

卷三十一

人物志八 耆壽 流寓

卷三十二

人物志九 列女

卷三十三

人物志十 列女

卷三十四

人物志十一 列女

卷三十五

文獻志

目錄

四

人物志十二 列女

卷三十六

金石志

卷三十七

文詞志一

卷三十八

文詞志二

卷三十九

文詞志三

卷四十

雜事志

文獻志

目錄

五

參閱校對鈔錄採訪姓氏

康太 李 濬 字又哲 歲貢 城桐 方宗誠 字存之 中書

生文 蘇林生 鄆以下皆人 生文 司潤楠

生廩 周得仁 生廩 蘇文炳

生廩 王 心 生文 周得珠

生文 周得信 生文 宋炳方

生文 馬培賢 生廩 蘇立勤

生文 靳汝銓 軒 冕

生文 張錫玉 生文 周遇甲

生文 蘇心安 生監 蘇全友

文獻志

參校採訪姓氏

一

王溶海 生文 谷敬亭

生廩 張寅昭 生貢 蘇中道

生文 夏宗禹 生貢 夏紹禹

生文 彭光國 生貢 張寅亮

生文 解華殿 盧蘭生

生文 秦永清 生文 徐秉乾

賈曉峯 生監 袁儒秀

生監 胥文華 生貢 陳召南

生文 王文俊 蘇月蘭

張維綱 生文 周彭載

貢歲 王燦

生文 王峻峨

蘇金堂

生文 谷天爵

榜副 彭光煒

生文 黃式金

生文 王逢甲

生廩 趙鏞臨

生文 蘇湛

生廩 趙鏞臨

生文 梁中山

生文 蘇潤生

生廩 康乃心

生廩 張純仁

生廩 姬驤

庄文 王楨

生文 劉廣運

宋鵬翔

生文 李夢卜

文獻志

參校採訪姓氏

鄆陵蘇源生菊軒纂


# 鄆陵輿圖

文獻志

卷一








文獻志

卷一

一一








文獻志


卷一

三



文廟圖






文清書院圖

文獻志

卷一






文獻志

卷一

六






文獻志



趙坊南保城東南二十五里



文獻志


卷一

趙北保 龍形岡



至南

里十四南東城保北橋



文獻志


卷一

九

保北







文獻志

卷一


+





文獻志

卷一





文獻志

卷一




南至南 張橋南保城五十五里




文獻志

卷一

十二









文獻志


卷一





文獻志

卷一





文獻志

卷一








文獻志

卷一



臨至南

里五十三南西城係北寨羅

文獻志

卷一




里八十八北西城係北西



南

里五十四南西城保中寨羣




文獻志

卷一

二十



早報



文獻志


卷一

二十一

甘羅南保城西南三十里

南至羅

西至許界






文獻志

卷一

二十一






文獻志

卷一

二十三



南



文獻志

卷一

二十四

右四鄉十八保圖十七保各隸一鄉惟壑祥  
 保係新墾詳請升科散處各保是以仍  
 錄全圖著明新墾所隸各村



